

- Mužač u štalama - 4 (četiri) izvršioca na neodređeno vrijeme;
- Traktorista u stočarstvu - 1 (jedan) izvršilac na neodređeno vrijeme;
- Čistač u štalama - 1 (jedan) izvršilac na neodređeno vrijeme;
- Mužač u štalama sa poslovima ispomoći na otpremi mlijeka - 1 (jedan) izvršilac na neodređeno vrijeme;
- Mužač u porodilištu - 2 (dva) izvršioca na neodređeno vrijeme;
- Radnik kod teladi do 20 dana starosti - 2 (dva) izvršioca na neodređeno vrijeme;
- Radnik kod teladi do 180 dana starosti - 1 (jedan) izvršilac na neodređeno vrijeme;
- Noćni radnik u štalama - 1 (jedan) izvršilac na neodređeno vrijeme;
- Traktorista u stočarstvu na poslovima ispomoći u hranjenju - 1 (jedan) izvršilac na neodređeno vrijeme;
- Koordinator za ratarsko stočarske poslove, novčane podsticaje, dozvole, ateste, vođenje evidencije i izvještaja - 1 (jedan) izvršilac na neodređeno vrijeme;
- Referent za javne nabavke, materijalno knjigovodstvo i obračun plata - 1 (jedan) izvršilac na neodređeno vrijeme;
- Veterinar - 1 (jedan) izvršilac na neodređeno vrijeme;
- Traktorista u ratarstvu - 1 (jedan) izvršilac na neodređeno vrijeme.

Član 2.

Kantonalno javno preduzeće "Poljoprivredno dobro Butmir" d.o.o. Sarajevo - Ilidža će prijem zaposlenika u radni odnos na neodređeno vrijeme izvršiti putem Javnog oglasa/konkursa, u skladu sa Uredbom o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te privrednim društvima u kojima kanton, grad ili općina učestvuju sa više od 50% ukupnog kapitala ("Službene novine Kantona Sarajevo", broj 9/19 i 21/19).

Član 3.

Za realizaciju ove Odluke zadužuje se Kantonalno javno preduzeće "Poljoprivredno dobro Butmir" d.o.o. Sarajevo - Ilidža.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-12710-9/20
21. maja 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa odredbama Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", broj 10/20) i Zakona o ublažavanju negativnih posljedica i uštedama u Kantonu Sarajevo ("Službene novine Kantona Sarajevo", broj 18/20), Vlada Kantona Sarajevo, na 28. vanrednoj sjednici održanoj 22.05.2020. godine, donosi

ODLUKU**O PRENAMJENI SREDSTAVA ZA ŠUME**

Član 1.

Mijenja se namjena dijela sredstava za šume u iznosu od 1.800.000,00 KM.

Član 2.

Prenamijenjena sredstva će se koristiti na razdjelu Ministarstva saobraćaja Kantona Sarajevo, ekonomski kod 614400 - EAO008 - Pokriće akumuliranih gubitaka KJKP "GRAS" d.o.o. Sarajevo.

Član 3.

Isplata sredstava će se vršiti sa namjenskog računa za šume.

Član 4.

Za realizaciju ove Odluke zadužuju se Ministarstvo saobraćaja Kantona Sarajevo i Ministarstvo finansija Kantona Sarajevo, svako u okviru svoje nadležnosti.

Član 5.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-13547-1/20
22. maja 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 i 37/14), Vlada Kantona Sarajevo, na 16. sjednici održanoj 21.05.2020. godine, donijela je

ODLUKU

**O DAVANJU SAGLASNOSTI ZA PRIHVATANJE
INVESTICIONOG GRANTA EVROPSKE UNIJE IZ
REGIONALNOG PROGRAMA ENERGETSKE
EFIKASNOSTI ZA ZAPADNI BALKAN (REEP PLUS)
PO OSNOVU UGOVORA O GRANTU IZMEĐU BOSNE I
HERCEGOVINE I EVROPSKE BANKE ZA OBNOVU I
RAZVOJ (EBRD) ZA PROJEKT ENERGETSKE
EFIKASNOSTI U JAVNIM ZGRADAMA SARAJEVO**

Član 1.

Kanton Sarajevo (u daljem tekstu: Kanton) prihvata investicioni grant Evropske Unije iz Regionalnog programa energetske efikasnosti za Zapadni Balkan (REEP Plus) namijenjen za finansiranje Projekta energetske efikasnosti u javnim zgradama Sarajevo (u daljem tekstu: Projekt), po osnovu Ugovora o grantu između Bosne i Hercegovine (u daljem tekstu: BiH) i Evropske banke za obnovu i razvoj (u daljem tekstu: EBRD) u iznosu do **2.000.000 EUR**.

Član 2.

Sredstva granta iz člana 1. ove odluke koristit će se za sufinansiranje Projekta, koji će se implementirati zajmom EBRD. Grant će se realizovati u svrhu uvođenja mjera energetske efikasnosti u približno 40 javnih zgrada u Kantonu (škole, bolnice, vrtići i javne zgrade od općeg interesa). Projektom će se uvesti čišće i efikasnije grijanje, bolja izolacija, bolje osvijetljenje i ukupno će se poboljšati stanje zgrada.

Član 3.

Vlada Kantona Sarajevo potvrđuje da je dokumentacija prihvatljiva za Kanton, a posebno:

- Potpisan Zapisnik sa pregovora između BiH i EBRD-a od 10.02.2020. godine
- Nacrt ugovora o grantu između BiH i EBRD-a.

Član 4.

Daje se saglasnost za zaključivanje podugovora o grantu između Federacije BiH i Kantona.

Za potpisivanje podgovora o grantu, kao i instrumenata obezbjeđenja namjenskog utroška Granta koji proizilaze iz podgovora, ovlašćuje se premijer Kantona u skladu sa Ustavom Kantona.

Član 5.

U svrhu osiguranja savjesnog korištenja sredstava granta Kanton je dužan dostaviti Federaciji BiH pet vlastitih bjanko mjenica sa klauzulom "bez protesta" i Mjениčnom izjavom ovjerenom i potpisanom od strane premijera Kantona.

Član 6.

Za realizaciju ove Odluke i izvještavanje zadužuju se Ministarstvo prostornog uređenja, građenja i zaštite okoliša Kantona i Ministarstvo finansija Kantona svako u okviru svoje nadležnosti.

Član 7.

Implementacija Ugovora o grantu iz člana 1. ove Odluke ne zahtijeva donošenje novih ili izmjenu postojećih zakona.

Član 8.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-12710-5/20
21. maja 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 i 37/14), Vlada Kantona Sarajevo, na 16. sjednici održanoj 21.05.2020. godine, donijela je

ODLUKU

Član 1.

Ovom Odlukom oslobađaju se zakupci plaćanja naknade za korištenje stubova javne rasvjete za postavljanje reklamnih panoa na području Kantonu Sarajevo u vrijeme trajanja proglašenog stanja prirodne i druge nesreće izazvane korona virusom - (COVID-19).

Član 2.

Za realizaciju ove Odluke zadužuje se Ministarstvo komunalne privrede i infrastrukture Kantona Sarajevo, a rok da o istom informišu zakupce koji koriste stubove javne rasvjete za postavljanje reklamnih panoa je odmah.

Član 3.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-12710-6/20
21. maja 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i Odluke o usvajanju programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla ("Službene novine Federacije BiH", broj 05/07), a u vezi sa Programom konsolidacije poslovanja KJKP "GRAS" d.o.o. Sarajevo za period 2019. - 2021. godine i Programom restrukturiranja i zbrinjavanja uposlenika KJKP "GRAS" d.o.o. Sarajevo, Vlada Kantona Sarajevo, na 16. sjednici održanoj 21.05.2020. godine, donijela je

ODLUKU

**O UPLATI DOPRINOSA ZA PENZIONO OSIGURANJE
U SVRHU PENZIONISANJA ZAPOSLENIKA
KJKP "GRAS" D.O.O. SARAJEVO**

Član 1.

Ministarstvo saobraćaja Kantona Sarajevo i JU "Služba za zapošljavanje Kantona Sarajevo", u skladu sa Programom konsolidacije poslovanja KJKP "GRAS" d.o.o. Sarajevo u periodu 2019. - 2021. godina i Programom restrukturiranja i zbrinjavanja uposlenika KJKP "GRAS" d.o.o. Sarajevo u 2019. godini, izvršit će uplatu doprinosa za penziono osiguranje za radnike KJKP "GRAS" d.o.o. Sarajevo koji su stekli uslove za odlazak u penziju, a istim nije uplaćeno penziono osiguranje.

Član 2.

JU "Služba za zapošljavanje Kantona Sarajevo" će izvršiti uplatu sredstava na račun Federalnog zavoda za PIO/MIO, za slijedeće uposlenike:

1. BEČIĆ MIRSAD, ostvario pravo na penziju 15.10.2016. godine, dugovanje po osnovu PIO/MIO u ukupnom iznosu od 29.683,53 KM,
2. DŽAMALIJA NEZIRA, ostvarila pravo na penziju 31.12.2016. godine, dugovanje po osnovu PIO/MIO u ukupnom iznosu od 54.380,97 KM,
3. KATKIĆ SIFETA, ostvarila pravo na penziju 20.12.2016. godine, dugovanje po osnovu PIO/MIO u ukupnom iznosu od 30.532,79 KM,
4. KORMAN RAZIJA, ostvarila pravo na penziju 31.12.2016. godine, dugovanje po osnovu PIO/MIO u ukupnom iznosu od 19.961,16 KM,
5. KORO MAID, ostvario pravo na penziju 31.12.2016. godine, dugovanje po osnovu PIO/MIO u ukupnom iznosu od 36.033,99 KM,
6. KUKAVICA IZET, ostvario pravo na penziju 31.12.2016. godine, dugovanje po osnovu PIO/MIO u ukupnom iznosu od 36.871,08 KM,
7. MRAKović HAJRUDIN, ostvario pravo na penziju 31.12.2016. godine, dugovanje po osnovu PIO/MIO u ukupnom iznosu od 34.825,18 KM,
8. MUHOVIĆ HANKA, ostvarila pravo na penziju 31.12.2016. godine, dugovanje po osnovu PIO/MIO u ukupnom iznosu od 28.890,58 KM,
9. PETROVIĆ SEAD, ostvario pravo na penziju 31.12.2016. godine, dugovanje po osnovu PIO/MIO u ukupnom iznosu od 45.089,17 KM,
10. REŠIDOVIĆ LEJLA, ostvarila pravo na penziju 31.12.2016. godine, dugovanje po osnovu PIO/MIO u ukupnom iznosu od 31.805,12 KM,
11. STROIL MUKADES, ostvario pravo na penziju 31.12.2016. godine, dugovanje po osnovu PIO/MIO u ukupnom iznosu od 29.831,55 KM,
12. STROIL SNJEŽANA, ostvarila pravo na penziju 31.12.2016. godine, dugovanje po osnovu PIO/MIO u ukupnom iznosu od 30.833,24 KM,
13. ŠPAGO MIRSAD, ostvario pravo na penziju 31.12.2016. godine, dugovanje po osnovu PIO/MIO u ukupnom iznosu od 32.308,86 KM,
14. ŠTUKAN SEAD, ostvario pravo na penziju 31.12.2016. godine, dugovanje po osnovu PIO/MIO u ukupnom iznosu od 36.006,04 KM.

Član 3.

Sredstva za realizaciju ove Odluke su planirana u Budžetu Kantona Sarajevo za 2019. godinu na razdjelu Ministarstva saobraćaja i uplaćena su na račun JU "Služba za zapošljavanje Kantona Sarajevo".